


Lawe ati ata puridaa'nyi puki Yilizavetiya'
kaimiraavimunnake' mwaaidi'nyiyagaa' Gotiyai Ejeliya
Geviriyelimi widasaaba' "Kwaaka Galili Anga
Naazaretina dalaawa! Nimore yagaalya' sidiraayavi
duthana! Sidiraaya Ne Deviti yita savaakidaa'nyai
Jozepiyarina dakinikesi. Sidiraaya sa' Maariyaasi."



Dina yaka ejeliyai wida' "Maariyaa',
lika minnera! Sare' dare'nesi.
Gotiyai teawaanya gyivani'.
Yithaa, kaimiraavimunnake'gi
mwaala'gizi kaimiraayai mila'gi
gamire yaya' 'Jizaazala,'
dithathelyi. Sai naangei
yima'nadelyi. A'mwera
gaminyina dina 'Gotiyai munya
ke'mwewinyare
Gawaalivaangelyireva.'"



“Naangei Gotiyai kingiyari
wimwaaihadelyi. Kigaa' Ne
sinnawinyai Deviti gamire
gyakwalaangei kingiyai
mwalyaakabaaibi' mwaaladelyi.
Yuyagaa' yuyagaa'
Jaikopijiyaraavi
maremwaaladelyi. Sai
a'mweraavi maremwaalagwothe'
kayaaka mi yadesi.”



Maariyaa' ejeliyari yidaangana' "Kwala manyimaarya'nyi mwaaihevi gara yima'nade'na diwaana?" Mamaayai ja'nawidina "Kuryai Tewaanyai giminyawi walaabathelyi."



“Nabaai Gotiyare diraginya'
givwakalimwagarade'ginyi.
Gotiyai sara kyoji kaimiraaya
tewaanyarina 'Gotiyare
Gawaalivaangelyi,' dipi'delyi.”



Yirika sangi Maariyaa' yarai kaanna wina.
Kwaaka Juthiya sabanne mugunyangina
kaanna wina. Kaanna wina yaka angebanna
yi'mavaawina yaka
Sekaraayare angevi
wilina yaka Yilzavetiyyavi
wida' "Aama!" Mi'na
kuda' sagaa'
Yilzavetiya' kadika
ku'na' gamire
munyavi bwaranyai
yarai yita'na.



Bwaranyai yarai yita'na kya' Kuryai
Tewaanyai Yilizavetiyavi simunyavi
yunebanna wlamwaaina kya' jaka naanga
widina "Gotiyai gamire
bwaranyari
maarya'ne'ginyi
dahilakake'na a'mwe
yuya piningina Gotiyai
tewaanya naanga
yanga gyade'nanyi.
Nabaai bwaranyai
gimire munyavi minikeri
Gotiyai tewaanya
naanga yanga

yadelyi."



Jizaazai Kiraazitiyai yima'nakegaa' dara yima'ninikesi.
Jizaazari ganaange' Maariyaa'
sidiraaya' yima'naka
Jozepiyarina dahilakina
yesa' Jozepiyai kwala
mamaaryadi'nyi Gotiyare
Kuryai Maariyaavire
munyiki mihakina
kya' dara
wanganake' "O, Maariyaa'
kaimiraavimunnake' daaka!"
Kwalaangei Jozepiyai a'mwe
yida'nanyai "Wagila
wijaavima!" majai.



Sarei “Kave makwasakina yima!” yawi'daa'nyi,
yithaanyi, wjavı Naangere mamaayai ejeliyai
yima'naabina. Sara yima'naabina yaka
widina “Jozepiyaigi, Devitimire gawaali'gi
Maariyaavi maarya'nevina yawita
kwalaalya minnera! Sare' dare'nesi.
Kaimiraavimunya sa' Kurya Tewaanyai
wijaavakesira.”



“Kaimalei maaradelyi. Kamaaroji gannya yaya'
'Jizaazala,' duthathelyi. Sare' dare'nesi. Gamireraavi
kumire kayaa'nanya jipalasi'noji
padaihasamaarde'na 'Jizaazala
(Padaihasamaa'dela),' duthathelyira,”
mamaayai wida'. Jozepiyai
waja ya'naka dikaa'na yaka Naangere
mamaayai widakabaabi'
sara ya'.



Maariyaavi maarina ya'. Sare' kiri'
mye'mwannarya' yune kaimiraayai
maarakegaa'na. Maariyaa'
kamaara' gamire
yaya' "Jizaazala,"
widina ya'.



Yirika sangi Romi Ga'maaniya Maremwaaidei Sizaa
Wohazitaazai wida' "Kwaaka yuyavakaavi
mwaalyaraavire yaya
bukuyavi maapika!"
"Yaya maapika!"
kuda' sare'na



kuvinimaangeraavire
angewinna yuyara kaanna wina ye'.



Gazaizai gannya abwaibwalaasavina wina. Ne
Devitimire yisavaakidaasai Jozepiyai mwaalakelyi. Ne
Devitimirei Kwaaka Galili
Anga Naazaretidaa'nyai
Kwaaka Juthiya
Anga



Betilemina kaanna wina.



Anga savi kigaakuna Kingiya Devitimire angebanyi.
Saba Devitimi ganaange' maryaakebanyi. Jozepiyarine
taaya' dakinike' Maariyaa'
kaimiraavimunnake' kirisi
“Naarimire yaya
maapika!” dahila



kaanna wina.



Kaanna wina yagila
Betilemi mwaaidakilyi
Maariyaa' kaimiraaya
maaryagaa' yibwakina'.



Sara yaka gannya siraangei maarina. Maarina yaka
kwaabihannya maryewaa'mwanna yaka
bulimakaawoyaraavire wapaaya
nadivisavi maradi'gwalakina ya'.



Anga pwara waraawia'nevi
yuneba girasi'nake'na
bulimakaawoyaraavirevi
maradi'gwalakina yakelyi.



Saba angeba mwasilaa sipizipiyangi
maremwaaidivisara mwaaidivi' sawita savi
kaabidaryawi sipizipiyangi
maremwaaina ye'.



Sipizipiyangi maremwaaina yadapi Naangere ejeliyai yima'naabina kya' Naangere byaanna diraginya' wannyina yakesi kuminyaba.

Wannyina kya' lika

naanga
kye'
mamaayai
wida' "Lika
mipina! Sare'

dare'nesi.

Yithaanyi, yagaala
tewaanya'
makwaimanaabihe."



“Yagaala sa' yuyara wi'napiji yilaaya naanga yipi'de' makwaimwaabe. Dahaasagaa' Ne Devitimire angeba kaimaleri maa'mwakei.”



“Sai sarimire kayaa'nanyaburiji pwaraavire
kayaa'nanyaburiji yihivadaihasamaaradelyi. Sari
Gotiyai dahilakaka maryasaabiwakei
Kiraazitiyalyi. Naangelyi.

Sare'na
kwalaalyara
yilaaya
naanga
yipi'de'

nanyi.”



“Sarimi wawapiji sariminyi wijiwaainya'ne' dara
wangabiza' 'Ai! Bulimakaawoyaraavire wapaaya
nadivisavi kwaabihannya

yewaa'mwannikei daaka!

Tinna
mi'na
wanganapiji
jawiryide
'Nebulyasi.

Sai
nemaaradelyi.”



Ejeliyaryaba ejeliya kwala naange' yarai yima'naabina
yeva Gotiyare aamiyara Gotiyari yilaaya
yadiwi' yiledaata piri' naanna de'

“Gotiyai



Sigunyawi munya
ke'mwewi
mwaali'.”



“Sarina nemi yilaaya naanga yaana! Su!
Kwaakewinyaraavina Gotiyari
kale wiada ‘Kwaamu'nanyabwi

wiwakima!’

dina yadelyi.”



Mamaayara Sigunyavɪnera ayɪna
yɪlaawina kye' sipɪziptiyangi
maremwaaɪɪɪsara dɪnyɪna ye'
"Betilemina kaanyaana!"



“Sara yima'niwakevina Gotiyai sara
nediwake'na tinna wanganaade'na
kaanyaana!” Dinyina yeva yarai kaanna
wina yeva wanganna ye'.



Maariyaasi Jozepiyalyi bulimakaawoyaraavire
wapaaya nadiwisavi kaimiraayai wila'disiyaba tinna
wangane'. Gaminyi tinna wanganeva yagaala
mamaayai widake' wide' kaimiraaya
bwaranyarina.



Kingiyai Erotiyai
Kwaaka Juthiya
maremwaaidi'nyi
Kwaaka Juthiya
Anga Betilemi
Jizaazari

maarakegaa', yithaanyi, a'mwe
silingaaminyangine sidu'nakera
nyilariyara Anga Naanga
Jeruzaalemina byi'ma'na ye'.





Byi'ma'na yeva a'mweraavi widina
“Bwaranyai Juyaraavi
maremwaalya'nei yima'nakei
gawi mwaalika? Sare' dare'nesi.”



“A'mwe' kamaara' nyilyai
byilyiri'deva gamire silingaaminyari'
kyima'naaba' tinna wanganona
dinyina 'Gaminyi lotuya'na yilaaya
yaana!' Dinyina yona biwona,”
widina ye'.

Dividaa'nyi Erotiyai
silingaaminyangi
sidu'nakeraavi kave
wijivwaramaa'na. Mi'na
wijivwaramaa'na yaka
nayaa yidaanganna
“Silingaaminya sa' behaa'
yima'naka?” Yidaanganna
kya' sare' wide'.



Widesagaa' Erotiyai
Betilemina widaasina ya'.
Nabaai wida' "Diwila!
Kaimalerina diviraawila!
Tivi biramaarapiji
dinyijideihilyira.
Kanyidapiji yilaaya
yide'na wideinyi."
Kwaasi sara wida'.



Kingiyari kadika wi'neva Betilemina wina. Wodivi'
yithaanyi, silingaaminyari' nyilarimagi tinna
wanganesari' ayina tinna
wanganna yeva silingaaminyari'
midinna ye'. Silingaaminyari'
sinnawi woda angevi kaimalei
mwaaidi'nyiyaba
livamuda'na ya'.



Yilaaya naanga yina yeva angevi wilina yeva
kaimalelyi Maariyaa' ganaangesi sanaari tinna
wanganna. Tinna wanganna yeva
kwadaai gilina yeva kaimaleri
lotuya'na yilaaya ye'. Yilaaya
yevega' kumire bukusangi
baasina yeva yanga
wijaavina ye'.



Nigwia goliyasi wabatirinya winya'nesi marazinanya diraginya' mesi yanga wijaavina ye'. Wijaavina yeva

piba se wa'mwa'na yesara waja ya'nyina yadaapi Gotiyai wida'

“Erotiyaryawinna nupidika!”

Mi'na kuda' dikaa'na yeva

tuta pirivi wina

ye' kunnya

angebannera.



Wina yesagaa', yithaanyi,
wajavi Naangere mamaaya
pwai Jozepiyari wida'
“Dikaa'na ja! Kaimalelyi
ganaangesi Yizipina Iikaanya
dimakwona! Saba
dimwaaideiginyi. Nimi
kagitha'mujiyagaa'na.
Sare' dare'nesi.
Erotiyai

kaimiraayarina 'Tamima!'
dozi biraabathelyi.”



“Yarai dimakwona!”
Sara kuda' Jozepiyai dikaa'na
yaka sawisagaa' Yizipi
sabanna kaimalelyi
ganaangesi sawaari makuna
ya'. Makuna yaka
Erotiyai kuna
mwaalakegaa' Yizipi
saba mwaala'. Erotiyai
mena



balakegaa'na Jozepiyai
ayina bina ya'.





“Kigaakuna Naangeinyi
nyu'nawijiwaakadei yagaala
jaake' yunebanna yima'nana!”
kada' ayina bina ya'.
Yagaala dara dini'
“Nyibwaalivaangeri
jaka kude Yizipidaa'nyai
ba'.” Sara dinike'
yunebanna yima'na'.



Sidu'nakera kwawe' dividaa'nyi
Erotiyai dara wanganake' "Ai!
Sidu'nakera kwaasi
nyidiziwaimwaasainyi daaka!
Ayahi mabanyijiwaava!"





Sara daka similikwibwa'nyai yawi'na "Kingiya gave kwainyi mwaalideinyira. Kaimaleri tamakima!" Yawi'na yaka nabaai simunya yawi'na "Niminyi Sidu'nakera silingaaminanyi' gaai bilyiri'na



yakegaa'na nyijawalyaadaasa'."




Sara yawi'na yaka gannya
malyaraavi widaasina "Betilemi
sabanna avaalyabanna diwila!
Saba kaimalera kwarama
piriwaaina yima'ninikeraaviji
dahaasa maalikeraaviji yuya'
diramabwakirila!" Erotiyai sara



kudaasa' malyara
sara ye'.





Dividaa'nyi Erotiyai kabala',
yithaanyi, Kwaaka Yizipi
wajavi Naangere mamaayai
Jozepiyari wida'


“Dikaava'gizi kaimiraayalyi
ganaangesi sawaari
Kwaaka Yizirelina
dimakwona! Sare'
dare'nesi.

‘Kaimiraayari tamakaana!’
desara mi'na bale’.”



Kaanna kaanna makabina
yaka dara wi'nake'
“O, Erotiyarineba
gawaali' Aakalayaazai
Kwaaka Juthiya

maremwaaidei
jima'niwa'dika!” Sara
daka yawi'na “Aakalayaazai
Erotiyaibisalyi,” yawi'na yaka Jozepiyai
lika yaka “Sawinna nuwidika!” dina ya'.



Mi'na dina yaka sawisavi
waja ya'nake'na
piwinna Kwaaka
Galilinei kaanna wina
ya'.Kaanna




wina yaka Anga
Naazareti saba mwalaawa'.
Sarevidaa'nyi Gotiyari
wi'nawijiwaakadivisara yidayaasa' Jizaazarina
yunebanna yima'na'.



Yagaala sa' dara dini'
“Pwara 'Naazareti
mwaalyala!
Kayaa'nanyaraavidaa'
nyala,' dipi'delyi.”

Sara dinikesi.



Sare' dare'nesi. Kwaaka
davakiyainaavina Gotiyari kale naanga
kwia' Gotiyai neminyina Gawaalivaanga
gaveri nejaavakelyi. "Gazaizai sahwari
wilimwagaroji myiwawanna! Aawa.
Gaala yuyagaa'nebwi
maarana!" daka
nejaavakelyi.



Romî 3:23 Sare' dare'nesi. Yuya a'mwera Juyaraji ajimya yuyangiyaraji wagilya'nebwi yadivisare. Gotiyai byaanna diraginyasiyaryaba menyaba mwaaihasare.

Romî 6:23 Sare' dare'nesi. Kayaa'nanya' gannya yaasiwa'wawinyaraavi kumire wawinya'ne tivikita wijaavadesi. Tivikita sa' yune naanga balya sahiri'na. Nabaai Gotiyare gaimwanga tewaanya' yange' wijaavina neyadelyi. Sa' gaala yuyagaa' yuyagaa' mwaalya'ne'na. Kiraazitiyai Jizaazai nemire Naangeri wilamwaalajavi gaala daza' nejaavade'nanyi.

Yiviru 9:27 Yi a'mweraavina gave pigaa'na balya'nebwi wari'. Nabaai kabalapiri dividaa'nyi Gotiyai sahwaravi maryawibwaradevaabi'



Yiviru 9:28 Kiraazitiyai yune gave pigaa'na a'mwe kwalaalyaraavire kayaa'nanyanna makwiya'nei gami sari yira'divisa'bisari Gotiyarina wijaavinakelyi. Nabaai divi pigasaai sahwai bwalyi'mavadelyi. Kiri' sai sagaa' kayaa'nanya marasi'nya'nei ayina baladei mi'. Aawa.

A'mwera "Sahwai walaabana!" dadivi' yemwaaimanigasaraavi nebulya'na yune'na padaihasamaarya'nei ku'maayaba yima'naabathelyi.

Epazaazi 2:8,9 Sare' dare'nesi. Gotiyai sariminyi yange'na tewaanna yihigaimwadevina Kiraazitiyari limwadivisa'na yihivadaihasamaarakeihilyi. Sarimi wawinya yina yadivisa'na yihivadaihasamaarakeihi mi'. Aawa. Sahware sihumalesira. Sare' Gotiyai yawi'na "A'mwe pwai kwai dara nadathika! 'Wawinya diraginna kye Gotiyai nyivadaihasamaarakeinyi. Tewaanyainyi,' yawi'na yaka sahwai yange'na nevadaihasamaarakesi.



Romi 10:9,10 Gimire maangisi ku'maayaba "Jizaazai sai Naangelyi," jalikurakya yija'naji nabaai gimire simunyavi dara limwadiza'naji "Gotiyai sahwari bainikeraayawi ayina yidikaavakelyi," Gotiyai givadaihasamaardeiginyi. Sare' dare'nesi. Gazaizai gannya simunyasi kalimwagozi Gotiyai "Yida'maraangeigi nimiriginyi gimwaahiwa," widathelyi. Yi gannya maangisi kajalikurakozi Gotiyai wivadaihasamaaradelyi.

Joni 3:16,17 Sare' dare'nesi. Kwaaka davakiyainaavina Gotiyari kale naanga kwia' Gotiyai neminyina Gawaalivaanga gaveri nejaavakelyi. "Gazaizai sahwari wilimwagarozi myiwawanna! Aawa. Gaala yuyagaa'nebwi maarana!" daka nejaavakelyi. Sare' dare'nanyi. Gotiyai dina "Nyibwaalivaangei a'mweraavi kotiya'na maryawibwaradela!" daka myasaabya'. Aawa. "Nyibwaalivaangeri a'mweraavina padaihasamaata yima!" daka kwaaka davaki yasaabina ya' Gotiyai.



1 Joni 5:11-13 Jalikurakya daresti. Gotiyai yuyagaa' yuyagaa'ne gaalya'nebwi nejaavakesi. Gaalya'ne saburi kaavilya' Gawaalivaangeri wilawiarika. Sarevidaa'nyi Gawaalivaangei kininnakei gaalya'ne sabwi kininnakelyi. Gotiyare Gawaalivaangei maayai gaalya'ne sabwi maayalyi. Yagaala daza yihithawasiwaabe. Gotiyare Gawaalivaangeri limwadiwisaihi “ ‘Yuyagaa’ yuyagaa'ne gaalya'ne sabwi kininnakeine,’ dipika!” dena yihithawasiwaabe.



Matiyui 1-2; Luki 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Yipma NT (byr) © 2013, Wycliffe Bible Translators, Inc. All
rights reserved.

<https://www.bible.com/ur/bible/994/MAT.1>

©2025 Bible for Children, Inc.

www.M1914.org

www.bibleforchildren.org

